



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Liber Theologiæ Moralis, Viginti Qvatvor Societatis Iesv Doctoribvs Reseratvs**

**Escobar y Mendoza, Antonio de**

**Lvgdvni, 1659**

VII. De Indulgentia pro defunctis.

**urn:nbn:de:hbz:466:1-41066**

## CAPVT VII.

## De Indulgentia pro Defunctis.

43. **D**E Purgatorio mihi notitiam aliquam reddas. *Locus §. 1.*  
 adest intra terræ viscera, in quo animæ descenden- *Purga-*  
 tes à seculo à pœnis expiantur, quæ, remissa culpa mortali- *torium.*  
 & veniali, sunt sine satisfactione relictæ. Porrò Purgatorium  
 in corde terræ residere, quemadmodum infernus quo dam-  
 natorum animæ concremantur, commune Doctorum, imo  
 Ecclesiæ placitum certum aded, vt plusquam temerarium sit  
 abnegare. Purgatorij itaque locus proximus sursum versus  
 ascendendo inferorum sedibus, vt ex D. Thoma collegi.  
 Cremantur quidem eodem, quo damnatorum animæ, igne.  
 Quonammodo autem verus ignis agere possit in animas cor-  
 poribus exutas nulli mortalium reuelatum. Est Purgatorij  
 pœna maior quacumque hoc in seculo inflicta, qua Deus non  
 per ministrum vllum animas corripit; ab ipsòque igne velur  
 à carcere cohibente detinentur illæ, donec debitum omninò  
 persoluant. Erit certè cuicumque tanta pœna illo in loco,  
 quantam homo hîc citra mortem non posset tolerare. Eodem  
 temporis momento, quo anima corpus deserit, iudicatur, &  
 ei sententia lata innotescit, rectaque tendit, quo pergere iu-  
 betur, Angelo Custode euntem in Purgatorium comitante,  
 quid ni auolantem ad superos? Profectò non semel ad nos  
 animæ à Purgatorio docturæ rediere, quod è diuina sit di-  
 spensatione. Ex eadem aliquando effectum, vt apud nos ani-  
 mæ purgentur, Hugone testante. Animæ denique duplici pœ-  
 na in Purgatorio afficiuntur, altera damni præcipua quidem,  
 quæ in visionis Dei consistit priuatione: sensus altera, quana  
 ab igne patiuntur.

44. *Quonammodo Indulgentia defunctis profunt?* Non qui- *§. 2.*  
 dem per modum iudicij, quamuis plenariæ sint; quia Ecclesia *Indulgē-*  
 non habet iurisdictionem, aut ordinariam potestatem in ani- *tia pro*  
 mas extra Ecclesiæ forum constitutas; sed profunt per mo- *defun-*  
 dum suffragij, seu auxiliij Ecclesiastici illis applicati. *ctis.*

45. *Necessum ne est eum, qui opus præstat ad consequendum*  
*Indulgentiam pro defuncto, in gratia esse?* Minimè; quamuis  
 enim peccati mortalis reus non possit suis operibus pro se  
 aut pro alio satisfacere, nihilominus potest indulgentiam  
 pro defuncto lucrari agens opus præscriptum; quia tunc ille

noia



814 *Moralis Theologia Tract. VII. Sacramenta,*  
non dicitur satisfacere sed facere opus, quoposito, Pontifex  
defuncto indulgentiam applicat, satisfactiones scilicet Chri-  
sti, & Sanctorum.

46. *Indulgentia pro defuncto accepta prodest ne tantum illi,*  
*quantum profuisset accipienti vivo, si eam sibi applicasset?* Ita  
quidem. Vnde si indulgentia plenaria sit, prodest defuncto ad  
remissionem omnis pœnæ, modo Deus eam acceptet.

47. *Quanam suffragia animabus profuant?* Eleemosyna, ora-  
tiones, Sacrificium Missæ, ieiunia, humicubatio, flagellatio,  
gestatio cilicij, & alia huiusmodi. Profecto præstantissima  
suffragia sunt Missa, & plenaria indulgentia. Si tamen pro  
vno defuncto iam Missæ multæ fuerint celebratæ, & aliunde  
vrgeat necessitas magna viduarum, & pauperum non ingratior  
Deo, me authore, per eleemosynam satisfactio.

48. *Est ne laudabile, vt vna Missa, cui inest ex altari primi-*  
*legiato, seu speciali indulto plenaria defuncto indulgentia, cele-*  
*brata pro illius satisfactione, alia, tñd ingens Missarum numerus*  
*pro eodem applicetur?* Ita planè. Rationes plures pro re tam  
gravi congeram ex Societatis meæ Doctoribus. Quia potest  
fieri, vt aliquis defectus in concessione indulgentiæ interue-  
nerit, vnde à Deo non acceptetur. Quia potest defectus con-  
tingere ex parte accipientis indulgentiam, propter quem sit  
irrita. Quia fieri potest, vt Deus tunc non acceptant, non  
enim habet infallibilem effectum respectu animæ defuncti.  
Hinc fit, vt indulgentiæ, Missæ, ieiunia, &c. eisdem defunctis  
sæpius applicentur, vt repetitis suffragiis à pœnis eruantur.

49. *Remittitur ne in Purgatorio etiam culpa venialis, qua*  
*cum animus iustus è viuis excessit?* Cum Valquez affirmatiuè  
respondeo, licet sententiam cum eis, qui in illo separatio-  
nis instanti per actum dilectionis remitti affirmant, de quo  
supra.

## CAPVT VIII.

*Praxis circa materiam de Indulgentiis & Indulgentiis*  
*ex Societatis IESV Doctoribus.*

§. I.  
De In-  
dulgen-  
tiarum  
vi.

50. **V**T aliqui præter Pontificem possint concedere indol-  
gentias, requiritur Pontificus consensus saltem tacitus  
quia concedere indulgentias est relaxare pœnas Deo debitæ,  
quod absque ipsius, vel eius V. carij potestate fieri non potest.